

Աստուածածին սուրբ Կոլսն է.
 Զոսկի ողկուղն որ տեսար՝
 Իւր միածին որդին է:
 Զխալտ աղանին որ տեսար՝

Մըխիթարիչ հոգին է.
 Պետրոս երազդ ի բարին.
 Հրեշտակալին քո տեսիլդ:
 Վ.Վ.

ՇԻՐԱԿԵՑԻ.—«Մարօ»։ Պատկերներ իրական կեանքից։ Ալեքսանդրապոլ, տպ. Սանոյեանցի, գինն է 50 կոպէկ։

Նրբ վիպասանը ձեռն է առնում գրիչը, նա կամենում է կամ խորը թափանցել մարդու հոգու մէջ և երևան հանել հոգու բոլոր շարժումները, գլխաւորապէս մարդու ներքին աշխարհի հետ դործ ունի աչն հեղինակը, որ պատկանում է վէպի հոգեբանական ուղղութեանը (Դոստոևսկի)։ Կամ երբեմն վիպասանին հետաքրքրում է բոլորովին ալ բան, նա գրում է բոլորովին ալ դիտաւորութեամբ, Նա ցանկանում կանաքի մէջ իրականացած տեսնել որոշ գաղափարներ։ Նա ալք բանը անում է վէպի միջոցով. հոգեբանական վերլուծութիւնը ալ ևս առաջին տեղը չէ բռնում։ Սա է տենդենցիական վէպի առանձնապատկութիւնը. ալս ուղղութեամբ էր գրում մեր Բաֆֆին, ալս ուղղութեան է պատկանում և Բեկամին («Ապագա դար»)։ Կալ և մի ալ ուղղութիւն—նատուրալիստականը (Զոլա). սորա նպատակն է տալ կեանքի նկարագիր, բաց նկարագիր, որ հիմնւած է կեանքի լուրջ ուսումնասիրութեան վերալ։ Սակալն որ ուղղութեան էլ կողմնակից լինի վիպասանը, եթէ

կամենում է հետաքրքրական և օգտաւետ լինել, նա պէտք է դէմ դնալ գեղարւեստի աչն օրէնքներին, առանց որոնց չէ կարող իրականանալ գեղեցկի գաղափարը. ալք օրէնքները սորա կամ նորա քմահաճութիւնը չեն. նոքա բղիտում են գեղարւեստի էութիւնից, նոքա վաւերացրած են հանճարների հրաշալի օրինակներով։ Եթէ վիպասանը իրար ետեից շարում է եղելութիւններ, խօսեցնում գործող անձանց և ալք բոլորը նա անում է ալեպէս, որ ոչ դէպքերը, ոչ խօսակցութիւնները իրար հետ չեն հետևում, ալն ժամանակ, ի հարկէ, երկասիրութիւնը մատնւած է անհետաքրքրութեան, և հեղինակը ինքն է իր ձեռքով առաջին մահաբեր հարածը տալիս իր գրածքին։

Ալքալիսի մահաբեր հարած է հասցնում իւր գրածքին և «Մարօ» հեղինակը։ Ալս պատկերը՝ ոչ մի տպաւորութիւն չէ թողնում ընթերցումից լետով. կարդաս չը կարդաս—մի հաշիւ է։ Ի՞նչ է նորա անհետաքրքրութեան պատճառը։ Պատճառը շատ հասարակ է. Նրբ

հեղինակը այս պատկերը գրելու համար ձեռն է առել գրիչը, նա ինքը իւր համար որոշած չէ եղել թէ ինչն է հետաքրքրական ապտեղ, թնշ բանի վերայ հարկաւոր է աւելի ուշադրութիւն դարձնել և ինչ բան պէտք էր բոլորովին թողնել, ինչեք չէ պատմում հեղինակը այս փոքրիկ գրքուկի մէջ (32 էջ). ապտեղ կա՞նչանդրէ՞ք, հարսանիք, եղբայրս սպանութիւն, ինքնասպանութիւն, նոր հարսանիք...

Մեր ինչիւն է այս բոլորը, ինչ է ուղում ասել հեղինակը. Ապտեղ գործող անձինք շատ կան, — բաց ձրն է ուշադրութեան արժանի. ապտեղ ղէպքեր շատ կան, — ձրի վերայ պէտք է կենդրոնանալ մեր հետաքրքրութիւնը. Ո՛չ մի ղէպք, ո՛չ մի անձնաւորութիւն, ո՛չ մի խօսակցութիւն հետաքրքրական չէ ապտեղ. իղէա չկալ գրածքի մէջ. չեմ ասում խրատ, ալ իղէա, առանց որի ես չեմ կարողանում երեւակայել մի գրածք, որ ղեղարկատական արժանաւորութիւն ունենալ. Վերցնենք մի անմեղ բան. Մնթաղրենք, որ բանաստեղծը կամենում է նկարագրել Մասիսը. նա աշխատում է արտապտել ալն տպաւորութիւնը, որ անում է նորա վերայ այս լեռը իւր վեհութեամբ և ուրիշ չտակութիւններով. ահա նորա բանաստեղծութեան իղէան. Բաց եթէ նա Մասիսը նկարագրելիս չանկարծ չիչէր թէ ինչպէս երկու կատու մոնգում էին ալք ժամանակ, ալն բանը, ի հարկէ, ծիծաղալի կը լինէր. մթթէ հարկաւոր էր և կատուների մոնգոցը՝ Մասիսը աւելի լաւ երեւակայելու

համար. Ասելս ալն է, որ ամենամեղ գրածքի մէջ էլ պէտք է արտապտել ալն օրէնքը, որով պալմանաւորում է ղեղեցիկ հակացողութիւնը. Առանց ալն օրէնքի՝ գրածքը կը լինի ղանաղան եղելութիւնների և խօսքերի տաղալալի կոտակումն.

«Մարօլի» հեղինակը նախ սկսում է պատմել թէ ինչպէս մի ղիւղում ապրում էին երկու բարի մարղիկ. լնթերցողը սպասում է, թէ հալ ղիւղացու նահապետական կեանքի մի ղղիլիա պէտք է կարղալ, բաց պատկերի կիսում ծնողները մեռնում են, և հրապարակ են ղալիս որղիքը. Առաջ մեռնում է ալք որղոց մալըր, չետոլ հալը՝ ղաւակներին երկար խրատելուց չետ. Մարղ, ի հարկէ, չէ ախտոտում, որ նոքա մեռան. Մարղիկ են էլի, ապրեցին և մեռան. Գողղը իւր «Остаросвѣтскіе помѣнникѣ» ղղիլիալի մէջ նոլնպէս նկարագրում է երկու ծերունիներ, որոնք ապրում են նահապետական խաղաղ և պարղ կեանքով, և եթէ նոքա մեռնում են, ընթերցողը նոցա խղծում է, որովհետե նորան ալնպէս է թւում, թէ նա թաղեց շատ ծանօթ և բարի մարղկանց.

«Մարօլի» մէջ ծերերին թաղելուց չետոլ ընթերցողը շուտով համողում է, որ հեղինակի խօսքը նոցա մասին չէր. բաց ալն ժամանակ էլ թնշ միտք ունէր գրքուկի կէսը նւիրել նոցա. Յետոլ սկսում է մի նոր ֆաբուլա. Հալրերը մեռան, նոցա տեղը բռնեցին որղիքը. Նրկու եղբայրներից մէկը բարի է և ղեղեցիկ, իսկ միւսը չար և նախան-

ձուտ, ինչպէս կալէնը, վերջինս արդէն պառկած է, իսկ միւսը գեռ նոր է ուղղում պսակակ, Չար եղբայրը նախանձուտ է, որ եղբայրը պսակուում է գեղեցիկ Մարօյի հետ, որի վերաջ նա վաղուց սիրահարւած է, Հարսանիքի գիշեր է, Չար և Նախանձուտ եղբայրը սպանում է իւր քարի և գեղեցիկ եղբօրը, խելագարուում և փախչում, լետոյ նորան կամենում են տանել Սիբիր, իսկ Նաճանապարհին իրան զցում է գետը և խեղտուում, Անցնում է երկու տարի, Մարօն պսակուում է «կ. գիւղի քնակիչ Մ. Յ.-ի հետ և 1891 թ. Յուլիսի 17-ին կատարեցաւ Մարօյի հարսանիքը»։ Այդ նոր ամուսինը ճոշնպէս քարի էր և գեղեցիկ։

Պատկերը վերջանում է, Պատկերը սկսում է աշնպէս և վերջանում աշնպէս, որ նորան մարդ կարող է ձգձգել, որքան սիրտը կը տալ, կարելի էր, օրինակ, սկսել եղբայրների պապերից, կարելի էր ճոշնպէս, Մարօյի երկրորդ անգամ պսակուելուց լետոյ, սկսել մանրամասն կերպով նկարագրել շատ բաներ նորա լետագայ կեանքից, Մարօն երկրորդ անգամ ամուսնացաւ, և հեղինակը կարծում է, թէ ինչ որ ուզում էր ասել, ասաց

Նա հաւատացած եմ, որ շատ բաներ, որ նկարագրւած են պատկերի մէջ, կարող են եղած լինել, նոյն իսկ հեղինակը կարող էր ճոշա աւկանատես եղած լինել, որ ոչ բոլորը, ինչ մենք տեսնում և լսում ենք, կարող է վէպիկի և պատկերի նիւթ դառնալ, գէպքի կամ անճանալորու-

թեան նկարագրութիւնը պէտք է ներկայացնէ հետաքրքրութիւն կամ հոգեբանական կամ գաղափարի տեսակէտից, առ նազը գրւածքը պէտք է լինի գեղարվեստական ամբողջութիւն։

Եթէ գեղարվեստի այս տարրական օրէնքներին հաւատարիմ մնար հեղինակը, նա ալ ևս կարեւոր չէր համարիլ գրքովի հրեօին նշանակել «Պատկեր իրական կեանքից»։

Մեզ հարկաւոր չեն ալպիսի ոչ «իրական և ոչ եղբայրական վէպեր և պատկերներ», մեզ հարկաւոր են միմիայն գեղեցիկ վէպեր և պատկերներ, որոնց նիւթը լինի իրականութիւնը։—

Այս պատկերի վերջին տողերը կարդալուց լետոյ, ընթերցողի աչքը կ'ընկնէ անպատճառ հետեւալ տողերի վերալ։—

«Պատրաստ են տպագրութեան համար»

- 1) Ուղեորութիւն (և ալլն),
- 2) Մշակ, վէպիկ թիւրքահայոց կեանքից,
- 3) Աշոտ երկաթ, պատմ. վէպ,
- 4) Վարդ-Անուշ, պատկեր,
- 5) Մշոյ Ս. կարապետի վանքը,
- 6) Կարին քաղաք, նկարագրութիւն,
- 7) Երկու եղբայր, պատկեր իրական կեանքից,
- 8) Ոսկի ժամացույց, պատկեր»։

Ինչո՞ւ... սա էլ հետաքրքրական է «իրական» պատկերների նման, Թոյ իմանալ ընթերցողը, որ ծնւում է մի հալ բեղմնաւոր հեղինակ,

Լ. Մ.